

1.3 პროგრამის დასახელება და პროგრამული კოდი: ფიზიკურ და იურიდიულ პირთა (მათ შორის, ქონების), ეროვნული საგანძურის დაცვისა და უსაფრთხოების დონის ამაღლება - (30 03)

პროგრამის განმახორციელებელი: შსს სსიპ - დაცვის პოლიციის დეპარტამენტი

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 03	ფიზიკურ და იურიდიულ პირთა (მათი ქონების), ეროვნული საგანძურის დაცვისა და უსაფრთხოების დონის ამაღლება	12 500.0	10 255.0	10 254.0	100%	204 544.3

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

- მიმდინარეობდა ეროვნული საგანძურისა და სხვადასხვა ობიექტების დაცვითი მომსახურებით უზრუნველყოფა, განსაკუთრებული მნიშვნელობის, არაგაბარბარტული, სახიფათო, მოძრავი ტვირთების დაცვა-გაცილება, ფულადი სახსრებისა და სხვა ფასეულობათა გადაზიდვა (ინკასაცია);
- ობიექტებზე შექმნილი სიტუაციებიდან გამომდინარე საჭიროების შემთხვევებში ხდებოდა ოპერატიული რეაგირების ჯგუფების გასვლა (საანგარიშო პერიოდში განხორციელდა 178 210 გასვლა);
- დეპარტამენტის ადმინისტრაციულ შენობაში განხორციელდა, ამორტიზირებული სამგზავრო ლიფტის დემონტაჟი და ახალი სამგზავრო ლიფტის მონტაჟი;
- დაცვის ტექნიკური საშუალებებით დასაცავი ობიექტების პერიმეტრული დაცვისათვის შექმნილ იქნა 600 ცალი საკონტროლო პანელი.
- სასერვერო და ქსელური ინფრასტრუქტურის განახლებისათვის შექმნილ იქნა 16 ცალი ქსელური კომუტატორი.
- განხორციელდა დაცვის სისტემის (AES) რადიო მიმღებ-გადამცემი მოწყობილობების შექმნა.

დაგეგმილი საბოლოო შედეგები

- მეტად დახვეწილი და გამართული დაცვითი მომსახურება;
- თანამედროვე და მაღალი ხარისხის დაცვითი სისტემებით აღჭურვილი დასაცავი ობიექტები;

- თანამედროვე ავტოსატრანსპორტო საშუალებებით უზრუნველყოფილი ოპერატიული რეაგირების, დაცვა-გაცილების და ინკასაციის ჯგუფები, ასევე დასაცავი ობიექტები;
- თანამედროვე მოთხოვნების შესაბამისად რეაბილიტირებული და აშენებული დეპარტამენტის ბალანსზე რიცხული შენობა-ნაგებობები.

### მიღწეული საბოლოო შედეგები

- გამართულია დაცვითი მომსახურება;
- განახლებულია ცენტრალური დაკვირვების პულტის მოძველებული ტექნიკური საშუალებები თანამედროვე ტექნიკური საშუალებებით;
- შეძენილია 30 ერთეული ოპერატიული დანიშნულების მაღალი გამავლობის პიკაპის ტიპის, 60 ერთეული ოპერატიული დანიშნულების ჰეჩბექის ტიპის და 15 ერთეული ოპერატიული დანიშნულების მსუბუქი ავტომანქანა. ასევე, 50 ერთეული მსუბუქი ავტომანქანა;
- გარემონტებულია დეპარტამენტის ადმინისტრაციულ შენობაში ამორტიზირებული კიბის უჯრედები (ცენტრალური და სათადარიგო) და მე-6 სართულის დერეფანი, ქ. თბილისის მთავარი სამმართველოს გლდანი-ნაძალადევის დაცვის პოლიციის სამმართველოს ადმინისტრაციული შენობა, სამცხე-ჯავახეთის რაიონის სამმართველოს ბორჯომის დეპარტამენტის შენობა და ფასადი (სარემონტო სამუშაოები დაწყებულია 2025 წელს და დასრულდა 2026 წელს). დეპარტამენტის ადმინისტრაციული შენობის მიმდებარე ტერიტორიაზე მოწყობილია ლითონის ღობე. ნაწილობრივ გარემონტებულია დეპარტამენტის სარგებლობაში არსებული პლაცის ტერიტორიაზე სასწავლო ოთახები (შეჩერებულია სარემონტო სამუშაოები). ასევე, გარემონტებულია ეროვნული საგანძურისა და სხვადასხვა დასაცავი ობიექტებისათვის საჭირო 96 ცალი დაცვის საგუშაგო ჯიხური.

### დაგეგმილი და მიღწეული საბოლოო შედეგების შეფასების ინდიკატორები

1. **ინდიკატორის დასახელება** - დაცვის ობიექტების მაჩვენებელი;  
**დაგეგმილი საბაზისო მაჩვენებელი** - ხორციელდება 15 851 ობიექტის დაცვა. მ.შ. საპოლიციო ძალით დაცულია 592 ობიექტი, ტექნიკური საშუალებებით – 15 091 ობიექტი, შერეული დაცვა ხორციელდება 168 ობიექტზე, პირადი დაცვით უზრუნველყოფილია 264 ფიზიკური პირი. GPS-ით დაცული ავტომანქანების რაოდენობა შეადგენს 3 568 ერთეულს;  
**დაგეგმილი მიზნობრივი მაჩვენებელი** - საბაზისო მაჩვენებელი გაზრდილია 20%-ით;  
**მიღწეული საბოლოო შედეგის შეფასების ინდიკატორი** - 2025 წელს დაგეგმილიდან განხორციელდა: საბაზისო მაჩვენებელი გაზრდილია 3.4 %-ით.
2. **ინდიკატორის დასახელება** - დასაცავი ობიექტების თანამედროვე და მაღალი ხარისხის დაცვითი სისტემებით აღჭურვის მაჩვენებელი;  
**დაგეგმილი საბაზისო მაჩვენებელი** - დღევანდელი მდგომარეობით AES და SIS სისტემური და პროგრამული მომსახურება უზრუნველყოფს საქართველოს მასშტაბით 15 000-მდე აბონენტის გამართულ მუშაობას; არსებული სიგნალების მიმღებ-გადამცემი გამაძლიერებელი სისტემა

ჩასანაცვლებელია ციფრული სიგნალების მიმღებ-გადამცემი IP სისტემით; არსებული სიგნალების დამუშავება ხდება ცენტრალური დაკვირვების პუნქტებზე განლაგებულ სერვერებზე და სადისპეჩერო სადგურებზე რომლებიც ექსპლუატაციაშია 2018 წლიდან და ნაწილობრივ ამორტიზირებულია. დაცვითი-ტექნიკური საშუალებებით დაცვაში არსებული ობიექტები, რომელთა ტექნიკური საშუალებებით დაცვა ხორციელდება GSM გადამცემებით, არ არის ცენტრალიზებული, არ აქვს აღრიცხვის და მონიტორინგის სისტემა (ინფორმაციის მიღება ხდება მობილური ტელეფონით). დეპარტამენტსა და რეგიონებში ტექნიკურად მოძველებულია ვიდეოსამეთვალყურეო სისტემები, ხარვეზით მუშაობს ობიექტებზე დამონტაჟებული გარე პერიმეტრის ვიდეოსამეთვალყურეო სისტემები; თანამედროვე ციფრული რადიო კავშირგაბმულობის საშუალებებით უზრუნველყოფილია ქ. თბილისი და მისი შემოგარენი, აჭარის რეგიონი, ინკასაციის სამმართველო, მოძრავი ტვირთებისა და ფიზიკურ პირთა დაცვის სამმართველო და ოპერატიული რეაგირების ჯგუფები. ინკასაციის სამმართველოს პროგრამული უზრუნველყოფა რისი მეშვეობითაც ინკასაციის სამსახური ორგანიზაციებიდან ღებულობს და ანაწილებს დავალებებს ამ ეტაპზე ემსახურება 26 ორგანიზაციას;

**დაგეგმილი მიზნობრივი მაჩვენებელი** - თბილისში, შიდა ქართლის, მცხეთა-მთიანეთის, სამცხე-ჯავახეთის, კახეთის და ქვემო ქართლის რეგიონებში პროგრამული და ფიზიკური დაცვითი - საგანგაშო სიგნალების მიმღებ-გადამცემი სისტემა (AES) განახლებულია, დაფარვის ქსელი გაზრდილია და არსებული სიგნალების მიმღებ-გადამცემი გამაძლიერებელი სისტემა ჩანაცვლებულია ციფრული სიგნალების მიმღებ-გადამცემი IP სისტემით, სიგნალების მონიტორინგის სისტემის (SIS) პროგრამული უზრუნველყოფა განახლებულია, სიგნალების დამუშავების სერვერები და სადისპეჩერო სადგურები განახლებული-ჩანაცვლებულია, აღნიშნულ რეგიონებში მდებარე ობიექტებში, რომელთა ტექნიკური საშუალებებით დაცვა ხორციელდება GSM გადამცემით და არ არის ცენტრალიზებული, GSM სისტემა ცენტრალიზებული და დანერგილია. დაცვითი-ტექნიკური საშუალებები განახლებული - ჩანაცვლებულია იმ დროისთვის არსებული სტანდარტების შესაბამისად. ციფრული რადიო საშუალებებით აღჭურვილია და ვიდეოსამეთვალყურეო სისტემები განახლებულია სამეგრელო-ზემო სვანეთის, იმერეთი-გურიის, აჭარის, სამმართველოებში ინკასაციის სამმართველოს და მოძრავი ტვირთებისა და ფიზიკურ პირთა დაცვის სამმართველოს ახალი პროგრამული უზრუნველყოფა შექმნილია;

**მიღწეული საბოლოო შედეგის შეფასების ინდიკატორი** - 2025 წელს დაგეგმილიდან განხორციელდა: სამცხე-ჯავახეთის და კახეთის რეგიონში განახლებულია პროგრამული და ფიზიკური დაცვითი - საგანგაშო სიგნალების მიმღებ-გადამცემი სისტემა (AES). დაფარვის ქსელი გაზრდილია და არსებული სიგნალების ანალოგური მიმღებ-გადამცემი გამაძლიერებელი სისტემა ჩანაცვლებულია ციფრული სიგნალების მიმღებ-გადამცემი IP სისტემით, ცენტრალური დაკვირვების პულტის სისტემების მონიტორინგის კომპიუტერული სისტემები გეგმიურად განახლებულია. სამეგრელო-ზემოსვანეთის და აჭარის რეგიონალურ სამმართველოები სრულად აღჭურვილები არიან ციფრული რადიო კავშირგაბმულობის საშუალებებით, ვიდეო სამეთვალყურეო სისტემები განახლებული და მუშაობს უხარვეზოთ. GSM გადამცემებით დაცული ობიექტების საერთო რაოდენობის 60% გადართულია AES დაცვის ტექნიკური საშუალებებით დაცვის სისტემაში და ცენტრალიზებულია.

**3. ინდიკატორის დასახელება** - ოპერატიული რეაგირების, დაცვა-გაცილებისა და ინკასაციის ჯგუფების, ასევე დასაცავი ობიექტების თანამედროვე ავტოსატრანსპორტო საშუალებებით უზრუნველყოფის მაჩვენებელი;

**დაგეგმილი საბაზისო მაჩვენებელი** - ვარგისია ექსპლუატაციისათვის ინკასაციის მანქანების 63%, ხოლო ოპერატიული რეაგირების ჯგუფის მანქანების - 97%;

**დაგეგმილი მიზნობრივი მაჩვენებელი** - შეძენილია 30 ერთეული დაჯავშნილი ავტომანქანა, 40 ერთეული მსუბუქი ავტომანქანა და 20 ერთეული მაღალი გამავლობის მსუბუქი ავტომანქანა;

**მიღწეული საბოლოო შედეგის შეფასების ინდიკატორი** - შეძენილია 30 ერთეული ოპერატიული დანიშნულების მაღალი გამავლობის პიკაპის ტიპის, 60 ერთეული ოპერატიული დანიშნულების ჰეჩბექის ტიპის და 15 ერთეული ოპერატიული დანიშნულების მსუბუქი ავტომანქანა. ასევე, 50 ერთეული მსუბუქი ავტომანქანა;

**4. ინდიკატორის დასახელება** - შენობა-ნაგებობების რეაბილიტაციის ან/და მშენებლობის მაჩვენებელი;

**დაგეგმილი საბაზისო მაჩვენებელი** - დეპარტამენტის ბალანსზე ირიცხება 55 შენობა-ნაგებობა, საიდანაც 26 შენობა აკმაყოფილებს სამუშაო პირობებისთვის საჭირო მოთხოვნებს, ხოლო დარჩენილი 29 შენობა სარემონტოა (მ.შ. 15 საჭიროებს კოსმეტიკურს, ხოლო 14 – კაპიტალურ რემონტს). დასაცავი ობიექტების გაზრდილი რაოდენობიდან გამომდინარე საჭიროა ახალი ჯიხურების შექმნა და არსებულის გარემონტება;

**დაგეგმილი მიზნობრივი მაჩვენებელი** - გარემონტებულია ქ. თბილისის მთავარი სამმართველოს ადმინისტრაციული შენობა, ისანი-სამგორის დპ სამმართველო, ინკასაციის სამმართველოსა და მოძრავი ტვირთებისა და ფიზიკურ პირთა დაცვის სამმართველოს ადმინისტრაციული შენობა; შეღებილია დეპარტამენტის ადმინისტრაციული შენობის ფასადი; ქ. თბილისში და დასავლეთ საქართველოში აშენებულია ინკასაციის სამმართველოს საცავი ე.წ. საკასო ცენტრი, დასაცავი ობიექტებისათვის შეძენილია 40 ცალი და გარემონტებულია 240 ცალი დაცვის ჯიხური;

**მიღწეული საბოლოო შედეგის შეფასების ინდიკატორი** - გარემონტებულია დეპარტამენტის ადმინისტრაციულ შენობაში ამორტიზირებული კიბის უჯრედები (ცენტრალური და სათადარიგო) და მე-6 სართულის დერეფანი. გარემონტებულია ქ. თბილისის მთავარი სამმართველოს გლდანი-ნაძალადევის დაცვის პოლიციის სამმართველოს ადმინისტრაციული შენობა, სამცხე-ჯავახეთის რდპ მთ. სამმართველოს ბორჯომის დპ განყოფილების შენობა და ფასადი (სარემონტო სამუშაოები დაწყებულია 2025 წელს და დასრულდა 2026 წელს). დეპარტამენტის ადმინისტრაციული შენობის მიმდებარე ტერიტორიაზე მოწყობილია ლითონის ღობე. ნაწილობრივ გარემონტებულია დეპარტამენტის სარგებლობაში არსებული პლაცის ტერიტორიაზე სასწავლო ოთახები (შეჩერებულია სარემონტო სამუშაოები). გარემონტებულია ეროვნული საგანძურისა და სხვადასხვა დასაცავი ობიექტებისათვის საჭირო 96 ცალი დაცვის საგუშაგო ჯიხური.